



Siumut sinnerlugu Inatsisartuni ilaasortaq  
Kim Kielsen

**§ 36, imm. 1 naapertolugu apeqqummut nr. 2010-204-imut VHF-ip maligaasaasa angusinnaasaannut tunngasumut akissut**

19. oktober 2010  
Sagsnr. 2010-039570  
Dok. Nr. 485122

Asasara Kim Kielsen

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Aallarniutigalugu apeqqutit saqqummiunneqartut pillugit qujarusuppunga.

Danskit naalagaaffiata, imaani radiukkut attaveqarnermut akisussaasuuusup TDC suliasamik taassuminnga isumaginnittussatut toqqarsimavaa. TDC-p suliassaq TELE Greenland qanittumik suleqatigalugu isumagisaraa. Matuma kinguliani akissuteqaammi TELE Greenlandimit paassisutissat pissarsiarineqartut tunngavigineqarput:

**1. Nunatsinni VHF-ip maligaasaasa angusinnaasaat qanoq isikkoqarpa GMDSS-ip eqqunneqarsinnaanera eqqarsaatigalugu?**

GMDSS, digital selective call aqutigalugu mellembølle-kkut ingerlanneqarpoq. Taamaattumik nunamiit VHF, GMDSS-imut atortulersuutini isumannaallisaanermi radiukkut attaveqarnermut ilaatinneqanngilaq, taamaattumillu GMDSS-ip atuutsineqalerneranut atatillugu VHF-imut tunngatillugu immikkut ittunik suliniuteqartoqangilaq.

**2. Qaanaap Ittoqqortoormiillu eqqaani VHF-imik atuisinnaaneq qanoq perarfissaqarpa?**

Ullumikkut Qaanaamiit Ittoqqortoormiinut imartat VHF-imik atuiffiusinnaanngillat. Umiarsuit ikittuunnaat imartat taakku aqqusaarlugit angalasarnerat, taamaattumillu maannakkorpiaq VHF-imut attaviliinissamut tunngavissat naammannnginnerat tamatumunnga pissutaavoq. Kisiannili sumiiffinni pineqartuni imaatigut angallaneq anertusissagaluarpat, taamaalillunilu VHF-imut radiukkut attaveqaasiinissaq siunnerfigineqassagaluarpat, alliliisinnaaneq sullisisut isummerfigissavaat.

VHF-imik atuiffiusinnaasunut tamarmiusunut tunngatillugu TELE Greenland ilisimatitsisuteqarpoq:

- Nunap Isuaniit Qeqertarsuarmut, kiisalu Qeqertarsuup Tunua tamakkerlugu si-nerissamut qanittooq avataalu VHF-ikkut attaveqartut, Qeqertarsuullu kitaani imartat VHF-ikkut attaveqanngitsut.
- Uummannap eqqaani imartat attaveqartut, taamatullu Uummannap Kangerluata annersaa Sigguup avannaa tikillugu ataveqarlutik, taamaallaat qeqertap Illorsuit qeqertaata alanngua killilimmik attaveqarluni. Uummannap Kangerluata kippa-

sissortaa, nunaqarfik lkerasak tikillugu VHF-ikkut attaveqanngilaq. Sigguup avannaaniit Kullorsuaq tikillugu VHF-ikkut attaveqarpoq, tassanngaanniit avan-namut VHF-ikkut attaveqarani.

- Nuup Qaqortullu kangerlui radiukkut akuersaarneqarsinnaasumik attaveqartut. Kalaallit Nunaanni sinerissami nunap ilusiisa immikkut ittuunerat pissutaalluni kangerlunni, kangerlumanerni sinerissamullu qanittumi angallavinni, aammalu qaqqat sermerlu sinerlugit ingerlanermi VHF-ikkut attaveqarneq kipisarsinnaavoq ersernerlussinnaallunilu.
- Tunumi Pingels Fjeld-imi, Sermiligaamiittumi aamma Kap Tycho Brahe-mi VHF-inik inissiisoqarsimasoq. Taamaattumik Ammassallip eqqaani kangerlunni nu-naqarfiit tamarmik VHF-ikkut attaveqarput. Tunumi sumiiffiit sinneri VHF-ikkut attaveqanngillat, tassani Prins Chr. Sund kisimi pinnani.

Nunamiit imarsiotunut radiukkut attaveqarnermi imarsiotut suleqatigiinnerannut nunarsuaq tamakkerlugu suliniaqtigiaffiup (Den Internationale Organisation for Maritimt Samarbejde) piumasaqaatai naammassineqarsimapput.

Neriuppunga matuma siuliani akissutigisakka Kalaallit Nunaata imartaani VHF-ikkut attaveqarnermut eqqarsaatersuutigisannut ilanngullugit atorsinnaassagitit.

Inussiarnersumik inuulluaqqusillunga

Jens B. Frederiksen